



Meraikan Warisan Johor: Pelancaran Pentas Seni Johor @ B5 Johor Street Market

Pada 14 Oktober 2024, B5 Johor Street Market menjadi nadi landskap budaya Johor menerusi pelancaran Inisiatif Pentas Seni Johor. Selaras dengan agenda Tahun Melawat Johor 2026, inisiatif ini bertujuan mempromosikan seni, budaya dan warisan “Permata Selatan” Malaysia. Anjuran bersama Yayasan JCorp dengan Yayasan Warisan Johor, acara ini memberi penghormatan kepada warisan Johor yang kaya dan memulakan gerakan budaya yang menyatukan artis, penghibur dan penggiat seni kreatif, serta menonjolkan negeri ini sebagai destinasi utama bagi seni dan warisan di Malaysia. Acara yang penuh kemeriahan ini disempurnakan oleh Yang Berhormat Tuan Raven Kumar Krishnasamy, Pengerusi Jawatankuasa Perpaduan, Warisan dan Budaya Negeri Johor.

Misi Kami

- Mempamerkan kehebatan budaya Johor dengan menyediakan wadah untuk artis, pengkarya dan penggiat seni kreatif tempatan.
- Memperkasakan ekonomi tempatan dengan mencipta peluang kepada artis, penggiat seni kreatif dan usahawan menjana pendapatan.
- Meletakkan B5 Johor Street Market sebagai kawasan tumpuan budaya yang mampu menarik pelancong tempatan dan antarabangsa.
- Berinteraksi dengan belia dan komuniti melalui bengkel interaktif dan persembahan yang mempromosikan seni tradisional.



Peserta bengkel kreatif mempamerkan kraftangan yang dihasilkan



Vendor mempamerkan aksesori dan kraftangan kepada pengunjung

Pencapaian Program

- **40 artis tempatan dan 20 artisan menyertai** acara ini dengan mempersembahkan tarian tradisional seperti zapin dan inang serta persembahan Cina dan India.
- **RM40,000** pendapatan telah dijana oleh artis tempatan, artisan dan usahawan B5 sekali gus meningkatkan ekonomi tempatan.
- **Seramai 400 pengunjung** hadir ke program ini bagi meraikan kepelbagaian budaya dan aktiviti yang disediakan.
- **100 belia menyertai** bengkel kreatif yang memberi pengalaman praktikal kepada mereka.



Persembahan memukau dari Yayasan Warisan Johor



Golongan belia menonjolkan bakat di Pentas Seni Johor



Persembahan bertenaaga serta mempesona disajikan kepada penonton



IMBAS KOD
QR UNTUK
MENYAKSIKAN
MAJLIS
PELANCARAN
PENTAS SENI
JOHOR



ISI

KANDUNGAN

Komponen

Program & Aktiviti

Pendidikan

Seni, Budaya & Warisan

Alam Sekitar

Kesejahteraan Komuniti

Aktiviti Kumpulan JCorp

Kalendar Acara

Kalendar Aktiviti

Inisiatif Utama Tahun 2025

2

3

4

5

7

9

12

17



1 Pendidikan



2 Seni, Budaya & Warisan



3 Alam Sekitar



4 Kesejahteraan Komuniti



Inspirasi Masa Depan:

Sokongan Yayasan JCorp Untuk Pelajar B40

Yayasan JCorp komited dalam misi membantu mengurangkan beban kewangan keluarga dan pelajar B40 melanjutkan pelajaran ke institusi pengajian tinggi. Dengan menyediakan bantuan kewangan bersasar, Yayasan JCorp terus memperkasa individu di seluruh Malaysia dengan memastikan mereka mendapat akses yang sama dalam pendidikan seterusnya membentuk pemimpin masa depan.



Bantuan Pendidikan IPT Yayasan JCorp fokus kepada pelajar sepenuh masa dengan pendapatan isi rumah:

- Jumlah pendapatan kurang daripada **RM4,000**.
- Purata pendapatan satu keluarga bawah **RM800**.

Pelajar yang layak menerima bantuan kewangan sekali sahaja berdasarkan tahap pengajian:

- Pelajar Sijil dan Diploma: **RM700**.
- Pelajar Ijazah Sarjana Muda dan Sarjana: **RM1,000**.



Misi Kami

- Mengurangkan beban keluarga B40 menerusi bantuan kewangan bagi membolehkan pelajar yang menerimanya fokus kepada pengajian.
- Menggalakkan akses yang saksama dalam pendidikan dengan memastikan pelajar daripada latar belakang kurang bernasib baik mempunyai peluang yang sama melanjutkan pelajaran ke institusi pengajian tinggi.
- Membentuk pemimpin masa depan dengan menyumbang kepada pelajar B40 sekali gus menyokong pembangunan pemimpin masa depan Malaysia.



Pencapaian Program



Pada tahun 2024, Yayasan JCorp telah menyalurkan bantuan kewangan kepada lebih **190 pelajar daripada golongan B40 dengan jumlah keseluruhan sebanyak RM180,000**.

Sejak 2017 lebih daripada **1,424** orang penerima telah memperoleh manfaat daripada Bantuan Pendidikan IPT Yayasan JCorp dengan jumlah yang disumbangkan sebanyak **RM786,689**.



Ayuh, bersama-sama lakukan perubahan

- Untuk memastikan peluasan berterusan bagi program ini dan memberi manfaat kepada lebih ramai pelajar, Yayasan JCorp mengalu-alukan sumbangan daripada orang ramai. Sumbangan boleh disalurkan ke Yayasan JCorp di akaun Bank Islam (01014010027795). Setiap sumbangan akan mendapat pelepasan cukai terhad kepada 10% daripada pendapatan agregat tahunan.



Festival Wonderful Nusantara 2024: Memartabatkan Seni dan Warisan Serantau

Yayasan JCorp telah menyertai Festival Wonderful Nusantara, sebuah acara yang menggabungkan keunikan budaya Malaysia, Indonesia, dan Singapura. Diadakan pada 27 Oktober 2024 di Kompleks Warisan Sultan Abu Bakar, Yayasan Warisan Johor, festival ini meraikan warisan bersama tiga negara jiran sambil mengeratkan hubungan serantau. Acara ini telah dirasmikan oleh YB Tuan Raven Kumar Krishnasamy, Pengerusi Jawatankuasa Perpaduan, Warisan dan Kebudayaan Negeri Johor, selaku wakil rasmi Menteri Besar Johor.

Misi Kami

- Memperkukuh hubungan bilateral dengan meningkatkan kerjasama antara Malaysia, Indonesia dan Singapura melalui jaringan seni, budaya dan warisan.
- Mempromosi pertukaran budaya dengan menyediakan wadah bagi tiga negara berkongsi dan menyambut tradisi unik di samping memupuk pemahaman dan penghargaan bersama.
- Menyokong agenda Pelancongan Johor 2026 dengan mempromosi Pintu Gerbang Selatan sebagai destinasi budaya dan pelancongan utama dalam persediaan bagi kempen Tahun Melawat Johor 2026.



Pencapaian Program

- Yayasan JCorp menaja sebanyak RM50,000 untuk menyokong festival ini, membuktikan komitmennya untuk melestarikan dan memartabatkan seni, budaya dan warisan.
- Festival ini menghimpunkan seramai 1,500 peserta dan penonton daripada tiga negara dalam meraikan identiti bersama serta mempamerkan keindahan kepelbagaian budaya.
- Festival ini menampilkan pelbagai aktiviti, termasuk pameran dan sajian warisan, demonstrasi permainan tradisional dan seni visual, serta bengkel tarian dan persembahan silang budaya bagi meraikan kekayaan warisan serantau.





Menyemai Benih Kelestarian: Kerjasama antara JPG & Yayasan JCorp

Yayasan JCorp dan Johor Plantations Group (JPG) Berhad menjalin kerjasama dengan JPG Planterra bagi pelancaran **Program Pokok Angkat** di Kelab Sukan dan Rekreasi Tiram, Ulu Tiram, Johor Bahru pada 13 Oktober 2024. Sesuai dengan namanya **“One Million Roots for the Future”**, usaha kolaboratif ini merupakan langkah ke hadapan yang berupaya untuk menyemai benih kelestarian di seluruh Malaysia. Dengan kepakaran JPG Planterra, pokok-pokok ini ditanam dan dijaga dengan baik bagi memastikan kelangsungan hidup dan pertumbuhan sihat bemula dari peringkat awal penanaman. Usaha ini menyokong pemulihan ekosistem semula jadi Malaysia, meningkatkan biodiversiti, menangani perubahan iklim dan menyumbang kepada masa depan lebih hijau dan lebih berdaya tahan untuk generasi akan datang. Dengan mempromosikan penanaman semula hutan dan pemeliharaan ekologi, program ini menggabungkan tanggungjawab sosial korporat (CSR) dengan pengawasan alam sekitar yang merupakan tumpuan bersama Yayasan JCorp dan JPG pada kelestarian dan manfaat alam sekitar yang berterusan.



Puan Zaidatul Zurita Abdul Rahman, Ketua Pegawai Eksekutif Yayasan JCorp, menanam 1 daripada 70 pokok



Anggota Pekerja JPG mengambil bahagian dalam Program Pokok Angkat



Seramai 100 sukarelawan mengambil bahagian dalam Program Pokok Angkat



Misi Kami

- Memberi inspirasi kepada organisasi untuk mengambil bahagian dalam Program Pokok Angkat dan menyumbang kepada penanaman semula hutan serta **pemeliharaan alam sekitar**.
- Melibatkan sukarelawan dalam program **penanaman** dan **penjagaan pokok**, selain memupuk penglibatan komuniti dalam pemulihan ekosistem.
- Menggalakkan kesedaran alam sekitar dan budaya kelestarian dalam kalangan organisasi dan individu.
- Memastikan manfaat ekologi jangka panjang melalui penjagaan oleh pakar dan penyelenggaraan kolaboratif pokok yang ditanam.



Pencapaian Program

- **70 pokok ditanam** terdiri daripada 15 spesies.
- **100 sukarelawan** mengambil bahagian.



Bersedia untuk mengembangkan warisan anda?
Klik link untuk mencipta masa depan yang mampan:

<https://1mrff.johorplantations.com>



Bersama demi Masa Depan Lebih Hijau: Kejayaan Plogging di kawasan *Ibrahim International Business District (IIBD)*

Satu usaha terpuji untuk memelihara alam sekitar telah dijayakan di *Ibrahim International Business District (IIBD)*, Johor Bahru pada 8 Disember 2024. Seramai 120 sukarelawan, termasuk wakil dari Majlis Bandaraya Johor Bahru (MBJB), JLand Group Sdn Bhd, Universiti Teknologi Malaysia (UTM), SWM Environment Sdn Bhd dan Yayasan JCorp, telah mengambil bahagian dalam aktiviti plogging yang berjaya mengumpulkan 45kg sampah.

Aktiviti plogging ini adalah sebahagian daripada Program Urban Lab IIBD, inisiatif JLand Group Sdn Bhd yang bertujuan mengumpul maklum balas dan pandangan daripada orang awam, komuniti dan semua pihak berkepentingan. Program ini berlangsung dari 22 November hingga 15 Disember 2024, termasuk pameran di Atrium KOMTAR JBCC yang memberi tumpuan kepada pemulihan bandar dalam kawasan IIBD. Selain memberi manfaat kepada pemeliharaan alam sekitar, inisiatif ini menjadi asas kepada usaha masa depan dalam menjaga dan memperbaiki landskap bandar Johor Bahru.



Sukarelawan daripada JLand Group Sdn Bhd mengutip sampah di sekitar bandar



Sukarelawan daripada MBJB turut menyertai aktiviti plogging



Misi Kami

- Menggalakkan pemuliharaan alam sekitar dengan melibatkan komuniti dalam pengumpulan sisa aktif untuk meningkatkan **kebersihan** dan **kelestarian** kawasan IIBD.
- Menggalakkan penglibatan komuniti dengan menghimpunkan pelbagai pihak berkepentingan, termasuk pihak berkuasa tempatan, institusi pendidikan dan entiti korporat, ke arah **matlamat alam sekitar bersama**.
- Meningkatkan kesedaran mengenai kepentingan **pengawasan alam sekitar** dan **menggalakkan usaha** berterusan untuk mengekalkan alam sekitar bandar yang bersih dan sihat.



Sisa berjumlah 45kg dikutip semasa program



120 sukarelawan menghadiri program pemuliharaan alam sekitar



Pencapaian Program



Sebanyak **45kg** sisa berjaya dikutip oleh sukarelawan sekali gus memberi sumbangan besar kepada kebersihan kawasan IIBD.



Penyertaan komuniti dengan penglibatan seramai **120 sukarelawan** daripada pelbagai organisasi menunjukkan program ini mendapat sokongan dan kerjasama yang kukuh.



Seramai **30 peserta** menyertai Bengkel Mencanting Batik Kreatif Yayasan JCorp yang menambah dimensi seni dan pendidikan dalam program ini.





Waves of Support:

Membawa Sinar buat Komuniti Kepulauan Johor

Yayasan JCorp dengan kerjasama Yayasan Sultan Ibrahim Johor telah menjayakan inisiatif “Monsoon Relief: Waves of Support” sebagai tanda sokongan dan keprihatinan terhadap komuniti Johor. Diadakan di Pejabat Daerah Mersing pada 7 November 2024, program ini memberikan bantuan kepada komuniti di Kepulauan Johor yang terjejas monsun. Bantuan ini sedikit sebanyak mengurangkan beban kepada komuniti nelayan dan pengendali bot seterusnya memenuhi keperluan segera dan jangka panjang mereka. Yayasan JCorp juga menyumbang barang keperluan sekolah bernilai RM17,600 dan memberi jamuan KFC kepada kanak-kanak terlibat.

Selain itu, Yayasan JCorp turut memberi bantuan khas kepada dua keluarga yang menjadi mangsa kebakaran di Kampung Wak Salam, Mersing berupa barang elektrik dan sumbangan tunai pada Majlis Kurniaan Bantuan Rumah Yayasan Sultan Ibrahim Johor Di Daerah Mersing pada 8 November 2024. Kedua-dua keluarga ini bertuah kerana mendapat kurniaan rumah daripada Yayasan Sultan Ibrahim Johor. Duli Yang Amat Mulia Tunku Mahkota Ismail, Pemangku Sultan Johor berkenan berangkat bercemar duli ke majlis dengan menyerahkan kunci rumah baharu beserta barang bantuan. Kurniaan ini sememangnya membawa harapan dan permulaan baharu kepada kedua-dua keluarga terlibat.



Misi Kami

- Memberi bantuan kewangan kepada keluarga di **kepulauan Johor** yang terjejas akibat monsun.
- **Menawarkan bantuan** yang diperlukan kepada komuniti apabila menghadapi monsun.
- Memastikan pelajar bersedia untuk kembali ke sekolah.
- Memberi bantuan kepada keluarga yang terjejas kebakaran.



Sebanyak 180 kit kebersihan diberikan kepada komuniti di Kepulauan Johor yang diserahkan menerusi Ketua Kampung



Ketua Kampung Pulau Aur, Tok Sabinah Md Seth menerima sumbangan bagi pihak komuniti pulau



IMBAS KOD QR BAGI MENDENGAR
MAKLUM BALAS PENERIMA
MANFAAT BAGI PROGRAM WAVES
OF SUPPORT



Anggota pekerja Yayasan JCorp menyantuni pelajar SK Pulau Tinggi membeli uniform sekolah



Pencapaian Program

- Sebanyak **RM36,000** sumbangan tunai diagihkan.
- **180 kit kebersihan** diberikan kepada isi rumah.
- **RM200** baucar barang keperluan sekolah diberikan kepada 78 murid.
- Dua keluarga yang terjejas kebakaran menerima wang tunai sebanyak **RM1,500** beserta barang elektrik bernilai RM1,500 bagi membantu mereka **membina semula kehidupan baharu**.





Misi Kami

- Membantu bayi baru lahir dengan membekalkan barang keperluan asas untuk memastikan permulaan hidup yang sihat.
- Menyokong ibu baharu dengan menyediakan kit penjagaan penyusuan selaras dengan usaha Kementerian Kesihatan untuk menggalakkan penyusuan susu ibu.
- Menawarkan bantuan kewangan melalui sumbangan wang tunai kepada ibu baharu di wad bersalin untuk mengurangkan beban kewangan.
- Mengagihkan barangan kepada kanak-kanak di wad pediatrik bagi memastikan mereka mempunyai alat keperluan untuk pendidikan mereka.
- Menyediakan sokongan kepada warga emas dengan memberi sumbangan keperluan; selain menghargai dan menjaga mereka.



Yang Amat Mulia Tunku Tun Aminah Sultan Ibrahim berinteraksi dengan salah seorang ibu baharu



Pencapaian Program

- Membekalkan 2,121 set lampin bayi baru lahir, bernilai RM300,000.00.
- Menyumbang barangan bayi baru lahir bernilai RM11,200 untuk 140 ibu baharu.
- Menyumbang produk penjagaan penyusuan susu ibu bernilai RM14,000 kepada 140 ibu baharu.
- Memperuntukkan bantuan wang tunai bernilai RM14,000 kepada ibu baharu.
- Menyampaikan 100 set barangan persekolahan kepada 100 kanak-kanak di wad pediatrik.
- Menyediakan produk penjagaan orang dewasa bernilai RM5,000 untuk 50 pesakit warga emas.
- Menyampaikan *Transport Ventilator (Turbin Base)* dan *Transport Monitoring System (Complete Set)*, bernilai RM80,000.00.

Merapatkan Jurang Generasi: Inisiatif Tulus Ikhlas oleh Yayasan Sultan Ibrahim Johor dan Yayasan JCorp

Yayasan JCorp bersama Yayasan Sultan Ibrahim Johor menyumbang kepada 290 pesakit di Hospital Sultanah Aminah, Johor Bahru, bertujuan merapatkan jurang generasi menerusi sumbangan barangan penjagaan kepada ibu, bayi dan warga emas. Sumbangan berupa kit penjagaan penyusuan untuk ibu, keperluan asas untuk bayi yang lahir, sumbangan wang tunai kepada ibu di wad bersalin, bantuan barangan persekolahan untuk kanak-kanak di wad pediatrik, dan juga sumbangan kepada warga emas. Dengan memenuhi keperluan di semua peringkat kehidupan iaitu dari bayi hingga usia lanjut, kerjasama ini memupuk keselesaan, penjagaan, dan sokongan untuk semua.

Yang Amat Mulia Tunku Tun Aminah Binti Sultan Ibrahim memeriahkan majlis tersebut dengan menyampaikan pakej bantuan dan sumbangan wang tunai secara peribadi, memberi sokongan, dorongan, dan kata-kata semangat kepada semua penerima.



Sesi penerangan oleh Applecrumby kepada Yang Amat Mulia Tunku Tun Aminah Sultan Ibrahim



Puan Wan Su Ali, Pengurus Besar Yayasan JCorp menyampaikan sumbangan Yayasan JCorp kepada Yang Amat Mulia Tunku Tun Aminah Sultan Ibrahim



“Strong Minds, Strong Bonds”

Pandangan mengenai Autisme dan Kesihatan Mental

Bagi meningkatkan kesedaran mengenai autisme dan kesihatan mental, Yayasan JCorp bekerjasama dengan Hospital Pakar KPJ Puteri dan Cerebrum untuk menjayakan penganjuran forum “Strong Minds, Strong Bonds” pada 3 November 2024. Forum ini menampilkan ahli panel termasuk Catriona Ross; Prof. Madya Dr. Anne Yee Hway Ann, Consultant Psychiatrist & Addiction Specialist di Hospital Pakar KPJ Puteri; Dr. Wan Mohd Azam Wan Mohd Yunus, Pensyarah Kanan Psikologi Klinikal UTM dan Puan Azsyikin Jazuli, Pengerusi Persatuan Kanak-Kanak Autistik Islam Johor Bahru. Pakar-pakar ini membincangkan pelbagai cabaran hidup dengan autisme, strategi kesihatan mental berkesan dan kepentingan menawarkan sokongan kesihatan mental yang sama kepada para penjaga seperti yang diberikan kepada orang yang mereka jaga.

Bersempena dengan forum ini, Hospital Pakar KPJ Puteri turut menganjurkan bengkel Strategi Daya Tindak untuk memperkasakan peserta dengan strategi praktikal agar mereka dapat menguruskan cabaran berkaitan dengan kesihatan mental dan autisme dengan yakin dalam kehidupan seharian. Topik-topik yang dibincang adalah seperti berikut:

Ujian Kesihatan Mental



Melalui penilaian dan maklum balas antara doktor dan peserta yang hadir membolehkan setiap peserta memperoleh pemahaman yang lebih jelas mengenai status kesihatan mental mereka yang secara tidak langsung menetapkan asas untuk rutin yang lebih sihat.

Sensory Integration



Ahli terapi mengajar tentang senaman bagi meningkatkan tumpuan dan menenangkan kebimbangan, selain mendidik peserta tentang cara mewujudkan persekitaran mesra deria di rumah.

Senaman Koordinasi



Dalam sesi ini, ahli fisioterapi bersama para peserta akan melakukan pelbagai pergerakan dan senaman keseimbangan untuk meningkatkan kemahiran motor. Aktiviti praktikal ini menunjukkan bagaimana senaman menyokong pengawalan emosi dan kesejahteraan fizikal secara keseluruhan.

“Desserts vs Stressed”



Konsep “Desserts vs Stressed” yang diperkenalkan oleh Ketua Dietetik hospital, memberikan pandangan mendalam tentang pilihan makanan yang sihat bagi kesihatan mental. Peserta memperoleh pengetahuan tentang bagaimana diet mempengaruhi emosi dan memberi petua tentang membuat pilihan snek yang lebih sihat bagi mengurangkan tekanan.

Happy Meals



Diketuai oleh dua tukang masak hospital, sesi memasak praktikal memfokus pada menyediakan sajian berkhasiat mesra keluarga yang mewujudkan keceriaan dan mengeratkan hubungan di samping memberikan peserta idea resepi baharu untuk digabungkan ke dalam kehidupan harian.



Misi Kami

- Membawa pakar-pakar terkemuka dalam **autisme** dan **kesihatan mental** untuk berkongsi pengetahuan dan pengalaman.
- Memperkasakan peserta dengan strategi dan alat berkesan untuk menguruskan **kesihatan mental** dan **menyokong individu** autistik.
- Memperkukuh sokongan komuniti dengan mewujudkan platform jaringan antara peserta, memupuk semangat **komuniti** dan **kebersamaan**.



Sesi memasak 'Happy Meals' diketuai oleh chef Hospital Pakar KPJ Puteri, Yusri dan Aida.



Moderator forum Catriona Rose, berinteraksi dengan para peserta.



Segmen interaktif bersama dengan peserta.



Pencapaian Program

- Acara ini menghimpunkan lebih daripada 80 peserta, termasuk penjaga, guru, keluarga dan pakar kesihatan mental yang fokus pada autisme dan kesihatan mental.
- Forum ini mencapai lebih daripada 2,000 hadirin maya di Facebook Live dan memperlihatkan minat yang meluas tentang topik-topik yang dibincangkan.
- 5 topik yang dikendalikan oleh pakar dibincangkan semasa Bengkel Strategi Daya Tindak.



Dr. Wan Mohd Azam Wan Mohd Yunus, Pensyarah Kanan Psikologi Klinikal UTM menjawab soalan daripada peserta.



Puan Zaidatul Zurita Abdul Rahman, Ketua Pegawai Eksekutif Yayasan JCorp (tengah) bersama dengan ahli panel forum.



IMBAS KOD QR UNTUK
MENYAKSIKAN FORUM "STRONG
MINDS, STRONG BONDS" YANG DIA-
DAKAN PADA 3 NOVEMBER 2024

Penawar Hati:

Hospital Pakar KPJ Pasir Gudang anjur *Medical Camp* di Kampung Peta

Prihatin terhadap kebajikan komuniti Orang Asli, Hospital Pakar KPJ Pasir Gudang menjalin kerjasama dengan DMaxian dengan mengadakan “Medical Camp” di Kampung Peta yang terletak di Taman Negara Endau-Rompin pada 9 dan 10 Ogos 2024. Pada program tanggungjawab sosial korporat ini, KPJ Pasir Gudang telah menyumbang permainan kanak-kanak; set mewarna; barang keperluan asas selain memberikan perkhidmatan saringan kesihatan secara percuma. Dengan sumbangan ini sedikit sebanyak memberi kesan yang positif kepada kanak-kanak dan keluarga di kawasan tersebut. Ia juga mencerminkan komitmen hospital terhadap sokongan holistik yang dapat meningkatkan kesihatan fizikal dan kesejahteraan komuniti.



Misi Kami

- Meningkatkan kesihatan komuniti dengan menyediakan perkhidmatan perubatan yang mudah diakses termasuk saringan, konsultasi dan pemberian ubat serta memupuk asas kesejahteraan untuk populasi yang kurang mendapat perhatian.
- Menangani ketidakseimbangan dalam penjagaan kesihatan dengan memberi rawatan percuma kepada komuniti terpinggir dan terpencil bagi memastikan setiap individu mempunyai akses kepada kesihatan dan kesejahteraan.
- Memperkukuh usaha kolaborasi antara penyedia penjagaan kesihatan bersama rakan kongsi komuniti dengan menyatukan sumber dan kepakaran bagi mewujudkan kesan bermakna, seterusnya membawa perubahan berkekalan.



Pencapaian Program

- Kira-kira 100 individu menerima saringan kesihatan dan konsultasi perubatan daripada Dr. Mohd Nooh Sainorudin semasa program ini.
- Memberikan ubat-ubatan kepada 30 keluarga bagi menangani masalah kesihatan yang lazim di kampung tersebut.
- Sebanyak 20 konvoi kereta, termasuk 113 peserta daripada ACM Isuzu dan seramai 10 anggota pekerja Hospital Pakar KPJ Pasir Gudang menyertai program bagi menyokong komuniti Orang Asli ini.



Ahli farmasi mengagihkan ubat-ubatan kepada komuniti.



Pegawai perubatan memberikan konsultasi kesihatan kepada anggota komuniti Orang Asli Kampung Peta.



Buku, set mewarna, mainan dan bekalan makanan diagihkan kepada anak-anak komuniti Orang Asli.



113 peserta daripada Dmaxian dan KPJ Pasir Gudang menghadiri program Medical Camp.



Kalendar Aktiviti

Oktober 2024

30-3



Bengkel STEM (Bahagian 2) diadakan pada 30 September hingga 3 Oktober 2024 di National Institute of Education, Singapura. Bengkel ini disertai oleh 55 peserta terdiri daripada pegawai Jabatan Pendidikan Negeri Johor dan guru-guru terpilih daripada sekolah-sekolah dalam program Sustainable School - STEM.

Antara aktiviti yang diadakan pada program ini ialah lawatan ke NUS High School of Math and Science, ladang Sky Greens dan Gardens by the Bay. Majlis penutupan dan penyampaian sijil dihadiri oleh Puan Wan Su Ali, Pengurus Besar Yayasan JCorp, Profesor Madya Tan Aik Ling dan Profesor Madya Teo Tang Wee.

13



Pada 13 Oktober 2024, Yayasan JCorp dan Johor Plantations Group (JPG) dengan kerjasama JPG Planterra menunjukkan komitmen terhadap kelestarian alam sekitar menerusi pelancaran Program Pokok Angkat yang berlangsung di KSRT Club House, Kompleks Tiram. Sebanyak 70 pokok daripada 15 spesis berbeza ditanam pada majlis pelancaran program ini.

Turut hadir ialah Encik Mohd Faris Adli Shukery, Pengarah Urusan, JPG; Encik Wan Adlin Wan Mahmood, Ketua Bahagian Komersial dan Kelestarian, JPG; Puan Zaidatul Zurita, Ketua Pegawai Eksekutif Yayasan JCorp dan Encik Noryazid Yaakub, Pengarah JPG Planterra.

14



Majlis Pelancaran Inisiatif Pentas Seni Johor telah diadakan pada 14 Oktober 2024 di B5 Johor Street Market Johor Bahru. Inisiatif Yayasan JCorp dengan kerjasama Yayasan Warisan Johor ini disempurnakan oleh Yang Berhormat Tuan Raven Kumar a/l Krishnasamy, Pengerusi Jawatankuasa Perpaduan, Warisan dan Budaya Negeri Johor. Hadir sama pada majlis perasmian ialah Encik Rozaini Mohd Sani, Pengerusi Yayasan JCorp; Encik Hairulisam Bin Ismail, Pengarah Korporat dan Perhubungan Awam Majlis Bandaraya Johor Bahru; Puan Nur Maziah Binti Ab Razak, Penolong Pengarah Tourism Johor; Encik Muhammad Qaim Qays Bin Azmi, Penolong Pengarah Bahagian Perhubungan Awam Media dan Korporat, Yayasan Warisan Johor; dan Puan Zaidatul Zurita Abdul Rahman, Ketua Pegawai Eksekutif Yayasan JCorp. Antara acara yang dijayakan ialah bengkel asas seni tari Zapin, bengkel seni kreatif Macrame, dan Texture art.

Kalendar Aktiviti

Oktober 2024

19



Pada 19 Oktober 2024 telah berlangsung Pinktober Iskandar Puteri Run 2024 anjuran Coaction Events Sdn Bhd di Gateway Garden, Medini Iskandar, Johor. Seramai 800 peserta mengambil bahagian dalam larian amal ini dalam usaha menggalakkan kesedaran membuat pengesanan awal kanser payudara dan menginspirasi gaya hidup sihat. Acara flag-off larian sejauh 5km disempurnakan oleh Puan Zaidatul Zurita Abdul Rahman, Ketua Pegawai Eksekutif Yayasan JCorp and Encik Ahmed Norhafiz Dahalan, Pengurus Perhubungan Awam dan Pemasaran Coaction Events Sdn Bhd. Hospital Pakar KPJ Puteri turut menyertai acara ini dengan menyediakan perkhidmatan saringan kesihatan.

27



Yayasan JCorp menyumbang sebanyak RM50,000 sempena Wonderful Nusantara Festival yang berlangsung di Kompleks Warisan Sultan Abu Bakar, Yayasan Warisan Johor pada 27 Oktober 2024. Sebanyak tiga negara bergabung pada festival ini melibatkan Malaysia, Indonesia dan Singapura. Objektif utama penganjuran festival adalah memperkukuh hubungan bilateral 3 negara serumpun melalui jaringan Seni, Budaya dan Warisan di samping memperkasa agenda tahun melawat Johor 2026.

Festival anjuran Yayasan Warisan Johor ini disempurnakan oleh Yang Berhormat Tuan Raven Kumar a/l Krishnasamy, Pengerusi Jawatankuasa Perpaduan, Warisan dan Budaya Negeri Johor sebagai wakil rasmi Yang Amat Berhormat Menteri Besar Johor. Antara aktiviti yang berlangsung sepanjang festival ini ialah pameran dan cuba rasa sajian warisan 3 negara, pengenalan permainan tradisional, permainan & demonstrasi seni visual, pembelajaran asas tarian dan persembahan silang budaya yang penuh warna warni.

29



Usaha Yayasan JCorp dalam bidang fokus Alam Sekitar menerusi inisiatif Pusat Kitar Semula Pandu Lalu di B5 Johor Street Market, Johor Bahru mendapat pengiktirafan oleh Perbadanan Pengurusan Sisa Pepejal dan Pembersihan Awam (SWCorp) Negeri Johor. Anugerah penghargaan telah disampaikan oleh Tuan Hee Loy Sian Pengerusi SWCorp semasa Majlis Penutup dan Penyampaian Hadiah Pertandingan Kitar Semula Sekolah-Sekolah (PerKISS) Peringkat Negeri Johor 2024 pada 29 Oktober 2024 bertempat di Toppen Shopping Centre, Johor Bahru.

Terletak di B5 Johor Street Market, Johor Bahru, inisiatif ini bertujuan bagi mewujudkan aktiviti kitar semula sisa pepejal lebih terancang dan sistematik kepada komuniti setempat. Inisiatif ini turut mendapat kerjasama daripada SWM Environment dan Majlis Bandaraya Johor Bahru.

Kalendar Aktiviti

November 2024



Pada 3 November 2024, Yayasan JCorp dengan kerjasama Hospital Pakar KPJ Puteri menganjurkan forum “Strong Minds, Strong Bonds”. Acara ini menghimpunkan 80 peserta termasuk penjaga, guru, keluarga dan pakar kesihatan mental yang membincangkan tentang kesihatan mental dan autistik dengan lebih 2,000 peserta mengikuti siaran secara atas talian di Facebook Yayasan JCorp.



Yayasan JCorp bersama Yayasan Sultan Ibrahim Johor (YSIJ) menyampaikan bantuan kepada 180 keluarga di Kepulauan Johor yang terkesan akibat musim monsun. Pulau-pulau yang terlibat ialah Pulau Besar; Pulau Sib; Pulau Tinggi; Pulau Pemanggil dan Pulau Aur yang menerima sumbangan tunai, barangan keperluan harian dan kit kebersihan diri.

Tuan Jamil Hasni Abdullah, Pegawai Daerah Mersing menyerahkan sumbangan pada Majlis Sumbangan Keperluan Khas Keluarga di Kepulauan Johor Yang Terjejas Akibat Monsun Timur Laut pada 7 November 2024 bertempat di Pejabat Daerah Mersing.



Yayasan JCorp menyalurkan bantuan khas kepada dua keluarga di Kampung Wak Salam, Mersing yang kehilangan tempat tinggal akibat kebakaran pada Ogos 2024. Sumbangan barangan elektrik dan wang tunai disampaikan pada Majlis Kurniaan Bantuan Rumah Yayasan Sultan Ibrahim Johor di Daerah Mersing pada 8 November 2024.

Bantuan daripada Yayasan JCorp melengkapi bantuan dari Yayasan Sultan Ibrahim Johor, yang mengurniakan rumah baharu untuk keluarga tersebut. Duli Yang Amat Mulia Tunku Mahkota Ismail, Pemangku Sultan Johor, berangkat bercemar duli ke majlis dan secara peribadi menyerahkan kunci rumah baharu sekali gus membawa sinar Baharu kepada mereka.

Kalendar Aktiviti

November 2024



Keprihatinan Yayasan JCorp kepada komuniti di Kepulauan Johor bagi menghadapi monsoon timur laut yang bermula pada November hingga Mac 2025 diterjemahkan menerusi sumbangan barangan keperluan sekolah kepada seramai 79 pelajar dari Pulau Tinggi; Pulau Aur; Pulau Sibul; Pulau Pemanggil; dan Pulau Besar.

Program ini turut mendapat kerjasama daripada Sakan Mersing, di mana setiap pelajar menerima baucar bernilai RM200 bagi setiap pembelian barangan persekolahan seperti pakaian seragam, kasut, beg, dan alat tulis. Yayasan JCorp telah menyantuni pelajar-pelajar ini membeli keperluan persekolahan pada 9 November 2024.



Yayasan JCorp bersama Yayasan Sultan Ibrahim Johor memberi sumbangan berupa kit penjagaan penyusuan untuk ibu, keperluan asas untuk bayi yang lahir, sumbangan wang tunai kepada ibu di wad bersalin, bantuan barangan persekolahan untuk kanak-kanak di wad pediatrik, dan juga sumbangan kepada warga emas di Hospital Sultanah Aminah, Johor Bahru pada 21 November 2024.

Yang Amat Mulia Tunku Tun Aminah Binti Sultan Ibrahim memeriahkan majlis tersebut dengan menyampaikan pakej bantuan dan sumbangan wang tunai secara peribadi, memberi sokongan, dorongan, dan kata-kata semangat kepada semua penerima. Hadir sama pada program tersebut ialah Encik Mohd Anizam Bin Jamian, Ketua Pegawai Eksekutif Yayasan Sultan Ibrahim Johor dan Puan Wan Su Ali, Pengurus Besar Yayasan JCorp.



Sebagai tanda sokongan kepada pesakit kanser, Johor Corporation, melalui Yayasan JCorp, menyumbang sebanyak RM50,000 kepada Yayasan Kanser Tunku Laksamana Johor (TLJCF). Sumbangan ini diserahkan pada Majlis Makan Malam "A Night For Fighters" pada 28 November 2024, di Dewan Bankuet Sunway Big Box, Sunway City Iskandar Puteri.

Encik Mohd Anizam Jamian, Pengurus Besar, Stakeholder Management dan Projek Khas Johor Corporation, menyerahkan cek replika kepada Kebawah Duli Yang Maha Mulia Seri Paduka Baginda Raja Permaisuri Agong Raja Zarith Sofiah yang bercemar duli berangkat ke majlis.

Kalendar Aktiviti

Disember 2024



Seramai 120 sukarelawan termasuk Majlis Bandaraya Johor Bahru (MBJB), JLand Group Sdn Bhd, Universiti Teknologi Malaysia (UTM), SWM Environment Sdn Bhd dan Yayasan JCorp menyertai aktiviti plogging di kawasan Ibrahim International Business District (IIBD), Johor Bahru pada 8 Disember 2024. Sebanyak 45kg sampah berjaya dikutip semasa aktiviti tersebut berlangsung. Program ini adalah anjuran JLand Group Sdn Bhd dengan kerjasama Majlis Bandaraya Johor Bahru (MBJB) dan Yayasan JCorp. Aktiviti Plogging ini merupakan sebahagian daripada Program Urban Lab IIBD dalam usaha menyumbang kepada pemeliharaan alam sekitar.

Pada program ini juga, Yayasan JCorp turut menganjurkan Bengkel Kreatif Seni Mencanting Batik kepada pengunjung yang hadir.



Program Makanan Percuma anjuran Universiti Teknologi Malaysia (UTM) dan Yayasan JCorp diadakan pada 29 Disember 2024 melibatkan seramai 100 pelajar UTM terpilih yang terdiri daripada golongan B40. Secara keseluruhan, program ini dijayakan dari Januari hingga Disember 2024 melibatkan 1,400 pelajar terpilih yang menerima agihan makanan percuma setiap bulan sepanjang tahun.

Program ini juga melibatkan pelajar yang menyertai Program Asas Penyediaan dan Pemakanan Makanan, Fakulti Sains Pendidikan dan Teknologi, UTM di mana setiap hidangan disediakan oleh pelajar dari fakulti ini yang secara tidak langsung memberi mereka peluang mempraktikkan ilmu kulinari yang diperoleh sekali gus memberi pengalaman praktikal dalam proses penyediaan makanan.



Pada 31 Disember 2024, seramai 23 pelajar Sistem Latihan Dual Nasional (SLDN) Kohort 1 diraikan pada Program Santuni Perantis SLDN (Kohort 1) Semarak SPM di SMK Tun Syed Nasir Ismail, Johor Bahru.

Yayasan JCorp dengan kerjasama Sektor Pembelajaran (TVET) Jabatan Pendidikan Negeri Johor (JPNJ) mengadakan program ini yang bertujuan untuk menyantuni peserta dan memberi sokongan dalam persiapan menghadapi peperiksaan Sijil Pelajaran Malaysia (SPM) dan Sijil Kemahiran Malaysia (SKM) Tahap 3. Majlis penghargaan ini disempurnakan oleh Encik Zulkurnain bin Abdul Rahman, Timbalan Pengarah (Pembelajaran) JPNJ dan turut dihadiri oleh Puan Wan Su binti Ali, Pengurus Besar Yayasan JCorp.

Inisiatif Utama Tahun 2025

 Pendidikan

April 2025	Graduasi SLDN
April 2025	Literasi Digital
Jun 2025	Projek Tuisyen Yayasan JCorp - Kem Bahasa Inggeris
Julai 2025	School-preneur
Jun & November 2025	Bantuan Pendidikan IPT Yayasan JCorp
Ogos 2025	Pertandingan <i>Choral Speaking</i> Yayasan JCorp
September 2025	Karnival Bahasa Inggeris Yayasan JCorp

 Seni, Budaya & Warisan

Februari 2025	Pentas Seni Johor : Battle of The Buskers
April 2025	Galeri Seni @ Hospital Pakar KPJ Kajang
Mei 2025	Majlis Pelancaran Tenun Johor Yayasan JCorp
Julai 2025	<i>Sound of Johor</i>
September 2025	Silang Budaya: Kita Serumpun Malaysia & Indonesia
November - Disember 2025	Festival Pentas Seni Johor

Inisiatif Utama Tahun 2025



Alam Sekitar

Februari 2025

Waste to Wonders

Mei 2025

Program Pemuliharaan Terumbu Karang

Jun 2025

Program Penanaman Pokok di Sekolah

Julai 2025

Program Penanaman Pokok Bakau

Ogos 2025

Penyelidikan Rumput Laut & Dugong

September 2025

Sistem Tenaga Solar Baharu
Pembersihan Sungai

Oktober 2025

Pengurusan Kitar Semula Sisa Makanan & Peranti Mudah Alih

**November -
Disember
2025**

Program Penanaman Pokok di Ladang Sindora



Kesejahteraan Komuniti

Mac 2025

- *Caring Hearts Ramadan*
- *Threads of Blessings*
- *Rezqi Ramadan*
- Bantu Seeni Bersama Abbe Hae

April 2025

- Sambutan Hari Raya Bersama Warga Emas, Anak Yatim & Orang Kelainan Upaya
- Program Penempatan Kerja Untuk Orang Kelainan Upaya

Jun 2025

Program Pemahiran Semula untuk Pesara

Ogos 2025

Laksamana Run

Oktober 2025

Pinktober Run

**November -
Disember
2025**

Saringan Awal untuk Keperluan Khas & Isu Kesihatan Mental Kanak-Kanak



YAYASAN JOHOR CORPORATION

Level 18, Menara KOMTAR JBCC, 80888 Ibrahim
International Business District
Johor Darul Ta'zim, Malaysia.

Email: yayasanjcorp@jcorp.com.my

yayasanjcorp.com.my

 @yayasanjohorcorporation

 @yayasanjohorcorporation

 @yayasanjcorp

 @yayasanjcorp

 @yayasanjcorp